

Tafsiira Suuratu Az-Zumar-Kutaa 2

Description

Kutaa darbe irraa itti fufuun Tafsiira (ibsa) suuratu Az-Zumar haa ilaallu:

﴿أَلَا لِلَّهِ الدِّينُ الْخَالِصُ وَالَّذِينَ اتَّخَذُوا مِنْ دُونِهِ أَوْلِيَاءَ مَا نَعْبُدُهُمْ إِلَّا لِيُقَرِّبُونَا إِلَى اللَّهِ زُلْفَىٰ إِنَّ اللَّهَ يَحْكُمُ بَيْنَهُمْ فِي مَا هُمْ فِيهِ يَخْتَلِفُونَ إِنَّ اللَّهَ لَا يَهْدِي مَنْ هُوَ كَاذِبٌ كَفَّارٌ ۚ لَوْ أَرَادَ اللَّهُ أَنْ يَتَّخِذَ وَلَدًا لَأَصْطَفَىٰ مِمَّا يَخْلُقُ مَا يَشَاءُ سُبْحَانَهُ ۚ هُوَ اللَّهُ الْوَاحِدُ الْقَهَّارُ﴾

â€(3)-Dhagayaa! Amantiin qulqulluun Rabbi qofaafi. Warri Isaa gaditti awliyyaaâ€™a godhatan, â€Gara Rabbiitti akka sirritti nu dhiyeessaniif qofa isaan gabbarraâ€• [jedhu]. Dhugumatti Rabbiin waan isaan keessatti wal dhaban ilaalchise jidduu isaanitti ni murteessa. Dhugumatti Rabbiin nama kijibaa akkaan kafaraa taâ€™e hin qajeelchu. (4)-Rabbiin osoo ilma godhachuu fedhee, silaa wanta uumu keessaa wanta fedhe filataa ture. Inni qulqullaaâ€™e. Inni Allah Tokkicha Al-Qahhaar taâ€™eedha.â€• Suuratu az-Zumar 39:3-4

â€Warri Isaa gaditti awliyyaaâ€™a godhatan.â€• Kana jechuun warri Rabbii gaditti wanta biraa gabbaramtoota (gooftota) godhachuun gabbaran (waaqefatan), â€Gara Rabbiitti akka sirritti nu dhiyeessaniif qofa isaan gabbarraâ€• [jedhu].â€• Kana jechuun wantoonni nuti gabbaru kunniin amala gooftummaa ni qabu jennee isaan hin gabbaru. Garuu Rabbiin biratti sadarkaa guddaa fi shafaâ€™aa (jaarsummaa) fudhatama qabu waan qabaniif gargaarsaa fi soorata argachuuf haajaa addunyaa biroo guuttachuuf jaarsummaa akka nuuf taâ€™anii fi Isatti nu dhiyeessaniif isaan gabbarra.â€• jedhu.[1] Rabbiin subhaanahu wa taâ€™aalaa Qurâ€™aana keessatti bakka biraatti ni jedha:

â€Rabbii gaditti wanta isaan hin miinee fi hin fayyanne gabbaru. Ni jedhus, â€Isaan kunniin Rabbiin biratti jaarsummaa (shafaâ€™aa) nuuf taâ€™u.â€• Suuratu Yuunus 10:18

Mujaahid â€Gara Rabbiitti akka sirritti nu dhiyeessaniif qofa isaan gabbarraâ€• [jedhu].â€• ilaalchise ni jedha: Qureeshonni sanamotaa gabbaraniif, â€Gara Rabbiitti akka sirritti nu dhiyeessaniif qofa isaan gabbarraâ€•jedhan. Isaaniin dura namoonni jiranis malaykootaf, Iisaa ibn Mariyami fi Uzeyriif â€Gara Rabbiitti akka sirritti nu dhiyeessaniif qofa isaan gabbarraâ€• jedhan.[2] (Kana kechuun Qureeshoonni â€sanamoota (siidaa) maaliif gabbartu?â€• jedhamanii

yommuu gaafataman, â€œGara Rabbiitti akka sirritti nu dhiyeessaniif qofa isaan gabbarraâ€• jedhu. Kiristaanonnis â€œmaaliif Iisaa (Iyyasuusin) fi haadha isaa gabbartan (waaqefattan)â€• jedhamanii yommuu gaafataman, â€œGara Rabbiitti akka sirritti nu dhiyeessaniif qofa isaan gabbarra (waaqefanna). Gara Rabbiitti nu geessu. Karaa Iyyasuusitin malee gara Rabbii gahuun hin jiru.â€• jedhu. Namoonni malaykoota fi uzeyrin gabbaranis deebima armaan oli deebisu.) Namoonni yeroo ammaas qabarii bira deemmuun irra naannaâ€™an, sujuudaniif, silatii seenaniif ykn nama achi keessatti awwaalame kadhatan, maaliif akkana gootan yommuu jedhaman, â€œisaan awliyaâ€™aa waan taâ€™aniif gara Rabbiitti nu dhiyeessu.â€• Jedhu.


Mee itti xinxalli! Yeroo durii fi ammaa namoonni Rabbiin alatti wanta biraa gabbaran, ragaan isaan dhiyeessan tokkoma. Garuu sirritti yoo itti xinxallinee ragaan isaan dhiyeessan kuni soba:

1ffaa-Wantoonni isaan Rabbii gaditti gabbaran kunniin shafaâ€™maa (jaarsummaa) akka namaaf taâ€™anii fi gara Rabbitti nama dhiyeessan akkamitti beekanii? Odeefannoon karaa wahyiitiin (beeksisaan) Rabbiin irraa yoo nama hin gahin gonkumaa kana beekun hin dandaâ€™amu.

2ffaa- Akkuma isaan jedhan shafaâ€™maa (jaarsummaa) osoo taâ€™aniyyuu, Rabbiin biratti shafaâ€™maa taâ€™muuf ulaagaaleen guuttamu qaban ni jiru:

1. Jaarsummaa (shafaâ€™maa) taâ€™muuf Rabbiin irraa hayyama argachuu. Ragaan kanaa: **â€œHayyama Isaatin ala Isa biratti kan shafaâ€™maa taâ€™mu eenyumaa?â€•** Suuratu Al-Baqarah 2:255
2. Nama shafaâ€™maa taâ€™mu fi nama shafaâ€™an godhamuuf irraa Rabbiin hojii fi dubbii isaa jaallachuu. Ragaan kanaa Qurâ€™aana irraa: **â€œMalaykoota meeqatu samiwwan keessa jiraa kan shafaâ€™aan (jaarsummaan) isaanii homaa hin fayyanne nama Rabbiin fedhee fi jaallateef erga hayyamee booda malee.â€•** Suuratu An-Najm 53:26 Bakka biraatti, **â€œ[Malaykoonni] nama Inni jaallateef malee shafaâ€™maa hin taâ€™an.â€•** (Suuratu Al-Anbiyah 28) Shafaâ€™aan nama Rabbiin subhaanahu wa taâ€™aala dubbii fi hojii isaa jaallateef malee hin taâ€™mu. Dubbii fi hojii isaa kan jaallatu immoo nama iimaana fi tawhiida qabuudha. Kana jechuun nama haala sirriin amanee fi Rabbiin qofa gabbareedha. Kanaafu namoonni kunniin Rabbiin ala wanta biraa waan gabbaraniif â€œshafaâ€™aa nuuf taâ€™uâ€• jedhanii odeessun isaanii soba.

3ffaa-Rabbiitti dhiyaachuun kan dandaâ€™amu haala Inni ajajeeni. Akkasi miti ree? Nama ajaja Rabbii diduun fedhii qullaadhaan â€œKuni wanta Rabbiitti na dhiyeessuâ€• jedhe yoo hojjate, hojiin isaa kuni Rabbiitti isa dhiyeessu dandaâ€™maa? Eeti yoo jedhe, ragaan kee maali? jennaan. Himni â€œWantoota kanniin yoo gabbartee (waaqefatte) Anatti ni dhiyaatta.â€• Jedhu Rabbiin irraa buâ€™mee jiraa? Kitaaba Qulqulluu Rabbiin irraa buâ€™me kan namni hin boressine (hin barrazne) irraa wanta akkana jedhu fiduu hin dandaâ€™mu. Dhugaan faallaa kanaati. Karaan Rabbitti dhiyaatan Isa qofa gabbaruun akka taâ€™me Rabbiin subhaanahu wa taâ€™aala beeksisee jira.



â€œRabbiin gabbaraa, homaa Isatti hin qindeessinaa.â€• Suuratu An-Nisaa 4:36

Namni ajaja kana diduun wanta biraa yoo gabbare, akkamitti Rabbii oltaâ€™TMaatti dhiyaataa? Kanaafu, namoonni Rabbii gadiitti wanta biraa gabbaran dubbii isaanii keessatti ni sobuu jechuudha. Kanaafi dhuma aayah tanaa irratti, â€™œDhugumatti Rabbiin nama kijibaa akkaan kafaraa taâ€™TMe hin qajeelchu.â€™• Jedha.

â€™œDhugumatti Rabbiin waan isaan keessatti wal dhaban ilaalchise jidduu isaanitti ni murteessa.â€™• Kana jechuun Rabbiin Guyyaa Qiyaamaa wanta namoonni keessatti wal dhabanii fi gargar itti taâ€™TMan ilaalchise isaan jidduutti ni murteessa. Namni haqa irra jiruu fi namni soba irra jiru Guyyaa san addaan baafamuun namni haqaa mindaa gaarii argata, namni sobaa immoo ni adabama.

â€™œDhugumatti Rabbiin nama kijibaa akkaan kafaraa taâ€™TMe hin qajeelchu.â€™• Kana jechuun nama niyyaan isaa Rabbiin irratti kijibuu taâ€™TMee fi qalbiin isaa mallattoolee, keeyyatoota fi ragaalee Rabbii osoo beektu fudhachuu diddu, Rabbiin gara qajeelinnaatti ykn haqaatti isa hin qajeelchu.[\[3\]](#)

Tuqaa ijoo

Namoonni Rabbii oltaâ€™TMaa gadiitti wantoota biraa gabbaran, wantoonnii kunniin akka isaan hin fayyannee fi hin miine beekanii jiru. Garuu â€™œAkka shafaâ€™TMaa (jaarsummaa) nuuf taâ€™TManiif isaan gabbarraâ€™• jedhu. Dubbii akkanaatti maaltu isaan geessee?

Deebii isaa kana fakkaata:

Namoonni kunniin, Rabbii oltaâ€™TMaa fakkaataa hin qabne moottotti dadhaboo ilma namaatiin wal bira qaban. Moottonni ilma namaa rakkoo fi haajaa nama hundaa waan hin beekneef, namoonni wanta barbaadan argachuuf jaarsummaa moottotta kanniinitti ergachuu qabu. Akkuma kana Rabbii oltaâ€™TMaa irraayis wanta barbaadan argachuuf jaarsummaan ni barbaachisa jechuun yaadan. Kuni yaada sobaa fi badaa taâ€™TMeedha. Yaada Khaaliqa fi makhluuqa (uumamaa) wal qixxeessu of keessatti qabateedha. Khaaliqaa fi makhluuqni gargar kan taâ€™TManiidha. Khaaliqni Tokkicha fakkaataa hin qabneedha.

Moottonni isaanii fi lammilee jidduu giddu-galaa kan barbaadaniif haala lammilee waan hin beekneefi. Kanaafu, nama haala lammilee isaaniitti beeksisu barbaadu. Tarii qalbii moottotaa keessa rahmanni kan hin jirre taâ€™TMuu dandaâ€™TMa. Kanaafu, nama gurguddoo qalbiin isaa akka mararfattu taasisu ni barbaachisa. Moottonni gargaartota dhimmoota lammilee tooâ€™TMatanii fi namni rakkate dhimma akka isaanitti himatuuf jaarsummaa barbaadu.

Garuu Rabbiin oltaâ€™TMaan immoo beekumsi Isaa wantoota hundaa kan haguugedha, keessaa fi ala wantoota hundaa beeka. Haala gabroota Isaa nama Isatti beeksiisu hin barbaadu. Ammas, Inni warra mararfatan hunda caalaa kan mararfatuudha. Kanaafu, uumamtoota Isaa keessaa nama akka gabrootaaf mararfatu Isa taasisu hin barbaadu. Inumaa, Inni nafsee isaaniitii fi abbaa haadha isaanii caalaa isaaniif mararfata (rahmata godha). Inni wanta rahmata Isaatti nama geessutti namoota kan waamuudha. Fooyyaâ€™TMinsa isaan nafsee ofiitiif hin barbaanne isaaniif fedha.[\[4\]](#)

Kanaafu, rakkoo keessaa bahuu fi haajaa barbaadan argachuuf Rabbii fi gabricha jidduu giddu-galaan hin barbaachisu. Namni qajeelloon Rabbii oltaâ€™TMaa kadhachuu qaba. Yoo Isa kadhate, Inni isa dhagaya, deebii isaaf deebisa. Garuu jaarsummaa naaf haa taâ€™TMan jedhee, dhagaa ykn nama isa hin dhageenyee yoo kadhate, buâ€™TMaan inni argatu hin jiru. Kanaafu, â€™œJaarsummaa (shafaâ€™TMaa) akka naaf taâ€™TManiif ykn Rabbitti na haa dhiyeessaniifâ€™• jedhee Rabbiin alatti wanta biraa yoo gabbare, kasaaraa

guddaatti kufa. Rabbiin subhaanahu wa taâ€™TMaalaa ni jedha:

﴿إِنَّهُ مَنْ يُشْرِكْ بِاللَّهِ فَقَدْ حَرَّمَ اللَّهُ عَلَيْهِ الْجَنَّةَ وَمَأْوَاهُ النَّارُ﴾

â€™Dhugumatti namni Rabbitti waa qindeesse, Rabbiin isarratti Jannata haraama (dhowwaa) taasiseera. Teessoon isaas ibidda.â€™• Suuraa Al-Maaâ€™TMida 5:72

â€™(4)-Rabbiin osoo ilma godhachuu fedhee, silaa wanta uumu keessaa wanta fedhe filataa ture. Inni qulqullaaâ€™TMe. Inni Allah Tokkicha Al-Qahhaar taâ€™TMeedha.â€™• Suuratu Az-Zumar 39:4

Rabbiin subhaanahu wa taâ€™TMaalaa keeyyata tana keessatti namoota wanta Isaaf hin malleen Isa wassafan (ibsan) irratti deebii deebisa. Mushrikoota, â€™Malaykoonni dubartoota Rabbiiti (subhaanahu)â€™• jedhanii fi Kiristaanota, â€™Iisaan ilma Gooftaatiâ€™• jedhan irratti deebii deebisa. Ibsi aayah: Rabbiin osoo ilma godhachuu barbaade, silaa uumamtoota Isaa keessaa wanta fedhe filataa ture. Ilmi Isaaf taâ€™TMuu irraa Inni qulqullaaâ€™TMe. Sababni isaas, Inni Tokkicha Adda taâ€™TMe, fakkaataa kan hin qabne, amaloota guutuu kan qabuudha.

Gaafataan osoo akkana jedhe, â€™Ilma godhachuu keessa hanqinni ni jiraa?â€™•

Deebii: Eeyyen ni jira. dhimmoota baayâ€™TMeef ilma godhachuu keessa eybitu (hanqinnatu) jira:

1ffaaâ€™“ Ilma godhachuun abbaan ilmatti hajamu agarsiisa. Yeroo dulloome akka isa gargaaru fi erga duâ€™TMeen booda maqaan isaa akka hafuuf ilmatti hajama. Dullummaan, dadhabinnii fi duuti hanqinna ilmatti akka hajaman nama taasisaniidha. Kanaafu, kuni hundi hanqinna waan taâ€™TManiif Rabbiin ilma godhachuu irraa Of qulqulleesse.

2ffaa-Ilmi kan dhufuuf sanyiin inni irraa dhalate akka turuu fi itti fufuufi. Rabbiin subhaanahu kanatti hin hajamu. Sababni isaas, Inni Tokkicha yeroo hunda turuudha.

3ffaa-Ilmi abbaa fakkaata. Ilmi abbaa fakkaachuun dhufa (dhalata). Osoo Rabbiin ilma godhate jedhame, sila ilmi Rabbiin fakkaataa ture. Rabbiin subhaanahu eenyullee Isa fakkaachu irraa qulqulluudha. Kanaafi Aayah keessatti â€™Inni Allah Tokkicha Al-Qahhaar taâ€™TMeedhaâ€™• jedha. Al-Ahad (Tokkicha) fakkaataa hin qabne, gara hundaan uumamtoota irra adda kan taâ€™TMeedha. Wanti Isa fakkaatu tokkollee hin jiru.

Karaalee sadan kanaan ilmi Rabbii oltaâ€™TMaaf akka hin taane ifa taâ€™TMa. Inuma ilmi akka Isaaf hin taane karaa afraffaa dubbate:

بَدِيعُ السَّمَوَاتِ وَالْأَرْضِ أَنِّي يَكُونُ لَهُ، وَلَدٌ وَلَمْ تَكُنْ لَهُ صَاحِبَةٌ
وَخَلَقَ كُلَّ شَيْءٍ وَهُوَ بِكُلِّ شَيْءٍ عَلِيمٌ ﴿١٠١﴾

â€œ[Rabbiin] Jalqabaa samii fi dachiiti. Inni waan hundaa kan uumee fi niiti kan hin qabne taâ€™ee osoo jiruu akkamitti ilmoon Isaaf taâ€™aa? Inni waan hundaa beekaadha.â€• Suuratu Al-Anâ€™aam 6:101

Al-Qahhaar jechuun **Injifataa** uumamtoota Isaa hunda mooâ€™ate, wanti hundi Isaaf gadi of xiqqeessu, gadi jedhu. [\[5\]](#) Jaallatanii jibbanii Isaaf gadi jedhu. Moottonni abbaa irree fi namoonni of tuulan adabbii yommuu isaan irratti buusu gadi jedhuuf. Kanaafi Firaâ€™awni yommuu galaanan nyaatamu, â€œ**Dhugumatti Kan ilmaan israaâ€™iil itti amanan malee haqaan gabbaramaan biraa akka hin jirre amaneera. Ani warra Rabbiif harka kennan irraayyiâ€™ jedhe.**

Rabbiin Tokkicha waan taâ€™eef Isa malee haqaan gabbaramaan hin jiru. Ammallee Al-Qahhaar (wantoota hundaa kan injifatu) waan taâ€™eef gargaarsaaf ilma hin barbaadu. Kanaafu, ilmi Isaaf hin malu.

In sha Allah ibsi keeyyattoota itti aananii itti fufaâ€™

Kitaabban wabii:

[\[1\]](#) Maâ€™aarij tafakurri wa daqaaâ€™iqu tadabburi 12/152-153, Tafsiiru ibn Kasiir-6/439

[\[2\]](#) Tafsiiru Xabarii-20/157

[\[3\]](#) Tafsiiru Ibn Kasiir 6/439

[\[4\]](#) Tafsiiru Saâ€™dii-fuula 844

[\[5\]](#) Tafsiiru muyassar-458

Tafsiiru Qurâ€™aanil kariim-Suuratu Az-Zumar-fuula 41, Ibn Useymiin

Date Created

February 20, 2020

Author

admin